

Ո Ր Ո Շ ՈՒ Մ N 274/6
/վարչական տույժ նշանակելու մասին/

«19» նոյեմբերի 2021թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետի ժ/պ Գոռ Բակլաջյանս, ուսումնասիրելով Նիկոլայ Գրույայի /անձն. AA1234641, քաղաքացիություն՝ Մոլդովայի Հանրապետություն/ կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Մոլդովայի Հանրապետության քաղաքացի Նիկոլայ Գրույայի անվամբ 05.09.2019 թվականին թիվ 05100034/050919/0000493892 մաքսային մուտքի օրդերով «Ժամանակավոր ներմուծում» մաքսային ընթացակարգով՝ 180 օր ժամկետով, ՀՀ տարածք է ներմուծվել MERCEDES C280 մակնիշի, CA7319TC հաշվառման համարանիշի, 1994 թվականի արտադրության տրանսպորտային միջոցը:

ԵՏՀ խորհրդի 29.04.2020թ. N° 47 և նույն որոշման երկու փոփոխությունների՝ 11.09.2020թ. N° 79 և 05.04.2021թ. N° 25 որոշումների համաձայն՝ երրորդ երկրներից ԵՏՀ տարածք ժամանակավորապես ներմուծված անձնաչան օգտագործման տրանսպորտային միջոցների ժամանակավոր ներմուծման ժամկետը երկարաձգվել է մինչև 2021 թվականի սեպտեմբերի 30-ը, հակառակ պարագայում օրենսդրությամբ ամրագրված պարտավորության չկատարելը հանգեցնում է օրենսդրությամբ սահմանված պատասխանատվության:

01.10.2021 թվականին հարցում է կատարվել ՀՀ ՊԵԿ Ներքին անվտանգության վարչություն՝ վերը նշված տրանսպորտային միջոցի սահմանափակումների վերաբերյալ տեղեկատվություն ստանալու և կողմին հայտնաբերման նպատակով, որին ի պատասխան ստացվել են համապատասխան սահմանափակումների պատմությունը և սահմանափակման տվյալները:

Վարչական մարմինն արձանագրում է, որ վարչական վարույթի շրջանակներում հարցումներ են կատարվել նաև ՀՀ ՊԵԿ աշխատակազմի մաքսատուն-վարչություններ՝ նշված ավտոտրանսպորտային միջոցի ձևակերպված լինելու, ինչպես նաև ՀՀ ոստիկանության «Ճանապարհային ոստիկանություն» ծառայություն՝ նշված տրանսպորտային միջոցի նկատմամբ հնարավոր կատարված գործարքների վերաբերյալ տեղեկատվություն ստանալու նպատակով, որոնց ի պատասխան ստացվել են համապատասխան հարցման պատասխանները:

Ներկայացված նյութերի ուսումնասիրության արդյունքում պարզվել է, որ ՀՀ տարածք ներմուծված MERCEDES C280 մակնիշի, CA7319TC հաշվառման համարանիշի տրանսպորտային միջոցը Գոգավան-Պրիվոլնոյե մաքսային կետ-բաժնով ՀՀ է ներմուծվել Մոլդովայի Հանրապետության քաղաքացի Նիկոլայ Գրույայի կողմից 05.09.2019 թվականին և հետագա արտահանման պարտավորությունը չի կատարվել, մաքսատուն-վարչություններում որևէ մաքսային ընթացակարգով ձևակերպում չի ստացել, նշված ավտոմոբիլի գրանցման, հաշվառման գործարքների վերաբերյալ տվյալներ չկան:

ՀՀ մաքսային օրենսգրքի 189-րդ հոդվածի 1-ին մասի համաձայն՝

մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող ՀՀ միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

ՀՀ մաքսային օրենսգրքի 199-րդ հոդվածի 1-ին մասի համաձայն՝

հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝

առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծությամբ 50 տոկոսի չափով, բայց ոչ պակաս, քան 50 հազար դրամ:

Գոգավան-Պրիվոլնոյե մաքսային-կետ բաժնի ավագ մ/տ իրավաբանի կողմից 04.10.2021թ-ին Նիկոլայ Գրույայի նկատմամբ կազմվել է մաքսային կանոնների խախտման վերաբերյալ արձանագրությունը՝ ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

«Եվրասիական Տնտեսական Միության մաքսային օրենսգրքի 264-րդ հոդվածի 1-ին և 5-րդ մասերի համաձայն՝

օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից

արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման»:

Վարչական վարույթի շրջանակներում կողմին ուղարկվել է ծանուցում նշանակված գործի քննության տեղի և ժամանակի մասին, սակայն բնարավոր չի դարձել պարզելու անձի գտնվելու վայրը, ուստի վարչական մարմինը գործը քննել է վերջինիս բացակայությամբ՝ հիմք ընդունելով ՀՀ ՄՕ 219 հոդվածի 2-րդ մասի իրավակարգավորումները:

Ըստ ՀՀ ՊԵԿ Արևելյան մաքսատուն-վարչության ՄԳ բաժնի ավագ մաքսային տեսուչի պատասխան-գրության՝ Նիկոլայ Գրույայի անվամբ ՀՀ ներմուծված տրանսպորտային միջոցի համար ազատ շրջանառության համար բաց թողնելու դեպքում կառաջանային հետևյալ մաքսային վճարները. միասնական մաքսատուրք՝ 7,350,140 ՀՀ դրամ և բնապահպանական վճար՝ 190,600 ՀՀ դրամ:

Այսպիսով, վարույթի նյութերով հիմնավորվում է, որ Մոլդովայի Հանրապետության քաղաքացի Նիկոլայ Գրույան սահմանված ժամկետում չի վերաարտահանել ժամանակավոր ՀՀ ներմուծված MERCEDES C280 մակնիշի, CA7319TC հաշվառման համարանիշի ավտոմեքենան՝ թույլ տալով ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Վերոնշյալի հաշվառմամբ, գործով ձեռքբերված ապացույցների հետազոտությունից վարչական մարմինը գալիս է այն եզրահանգման, որ սույն դեպքում առկա է մաքսային կանոնների խախտման հանգամանքը, ուստի, հիմք ընդունելով վերոգրյալը և ղեկավարվելով Վարչարարության հիմունքների և վարչական վարույթի մասին ՀՀ օրենքի 3-րդ և ՀՀ մաքսային օրենսգրքի 221-րդ հոդվածներով

Ո Ր Ո Շ Ե Ց Ի

1. Քաղաքացի Նիկոլայ Գրույային ՀՀ մաքսային օրենսգրքի 199-րդ հոդվածի 1-ին մասով սահմանված կարգով տուգանել իրավախախտման անմիջական օբյեկտ հանդիսացող ավտոմեքենայի նկատմամբ «բացթողնում ներքին սպառման համար» մաքսային ընթացակարգով, մաքսային վճարների մեծության 50%-ի չափով, այսինքն՝ 3,770,370 /երեք միլիոն յոթ հարյուր յոթանասուն հազար երեք հարյուր յոթանասուն/ ՀՀ դրամ վարչական տուգանք (վճարման ենթակա գումար):
2. Որոշումը կայացնելուց հետո՝ եռօրյա ժամկետում, դրա օրինակը հանձնել Նիկոլայ Գրույային:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին)

կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է՝ 900005024055 /ՀՀ պետական բյուջե, կենտրոնական գանձապետարան, Արևելյան մաքսասուրճ-վարչություն, ԿՈԴ 29/:

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ Ժ/Պ



ԳՈՐԲԱԿԼԱՉԱՆ